

IRAGARKIA

241. ALDIZKARIA - 2022ko abenduaren 2a

1. NAFARROAKO FORU KOMUNITATEA

1.7. BESTELAKOAK

134/2022 EBAZPENA, azaroaren 8koa, Turismo, Merkataritza eta Kontsumoko zuzendari nagusiak emana, Iruñerriko Taxi Zerbitzu Bateratuaren Lurralde Eremuko tarifen aldaketa onesten duena 2023. urterako.

Taxiari buruzko uztailaren 6ko 9/2005 Foru Legearen 40.1 artikulua ezartzen duenez, Taxi Zerbitzu Bateratuaren Lurralde Eremu bakoitzeko udalei edo toki entitate eskudunari dagokie hiriko taxi zerbitzuei aplikatu beharreko tarifak onestea. Onespen horrek indarra duen legeriaren arabera baimendutako prezioen araubidea izanen du. Onespenaren aurretik, betiere, entzunaldia eman beharko zaie taxien sektorea ordezkatzeko duten lanbide elkarteei eta tokian-tokian erroturik dauden kontsumitzaile eta erabiltzaileen elkarteei.

Foru lege horren xedapen gehigarri bakarrak ezartzen du zer udalerrik osatzen duten Iruñerriko Taxi Zerbitzu Bateratuaren Lurralde Eremua, eta, orobat, ezartzen du Iruñerriko Mankomunitatea izanen dela horren gaineko toki entitate eskuduna.

Aurrekoarekin bat etorritik, Iruñerriko Mankomunitateak 2022ko urriaren 20ko Batzar Orokorraren erabakia aurkeztu zuen 2022ko urriaren 25ean, taxi zerbitzuaren 2023. urteko tarifak eta osagarriak onesten dituen Iruñerriko Taxi Zerbitzu Bateratuaren Lurralde Eremurako.

Halaber, Taxiari buruzko Foru Legearen 40.1 artikulua xedatzen duena betez, eta 2022ko urriaren 20ean egin zen Iruñerriko Mankomunitatearen Batzarrak tarifak onesteko Erabakia hartu baino lehen, entzunaldia eman zaie taxien sektorea ordezkatzeko duten lanbide elkarteei eta kontsumitzaile eta erabiltzaileen elkarteei, Iruñerriko Taxi Zerbitzu Bateratuaren Lurralde Eremuan erroturik daudenei.

Garapen Ekonomiko eta Enpresarialeko Departamentuaren egitura organikoa ezartzen duen urriaren 30eko 265/2019 Foru Dekretuaren 63. artikulua ezartzen du Kontsumo eta Arbitraje Zerbitzuak beteko dituela foru dekretu honetan aurreikusten diren eginkizunak gai hauei dagokienez: "ñ) Tramitatzea baimendutako prezioak".

2022ko azaroaren 8an, Kontsumo eta Arbitraje Zerbitzuak taxi zerbitzuaren tarifak onestearen aldeko txostena eman du. Tarifa horiek lehenago Iruñerriko Mankomunitatearen Batzarrak onetsi zituenak dira.

Horrenbestez, Garapen Ekonomiko eta Enpresarialeko Departamentuaren egitura organikoa ezartzen duen urriaren 30eko 265/2019 Foru Dekretuak eta Nafarroako Foru Komunitateko Administrazioari eta foru-sektore publiko instituzionalari buruzko martxoaren 11ko 11/2019 Foru Legearen 32.1.d) artikulua ematen dizkidaten eskudantziak erabiliz,

EBAZTEN DUT:

1. Iruñerriko Taxi Zerbitzu Bateratuaren Lurralde Eremuan honako tarifa hauek onestea 2023. urterako:

a) 1. tarifa: Iruñerriko Zerbitzu Bateratuaren A eremuan, lanegunetan, egunez (07:00etatik 22:00ak arte) aplikatzekoa den tarifa osatzen duten kontzeptuen balioak:

–Egindako kilometroko: 1,06 euro.

–Itxaron beharreko ordu bakoitzeko: 23,85 euro.

b) 2. tarifa: Iruñerriko Zerbitzu Bateratuaren A eremuan asteburuetan, jaiegunetan eta lanegunetako gauetan (22:00etatik 07:00ak arte) aplikatzekoa den tarifa osatzen duten kontzeptuen balioak:

–Egindako kilometroko: 1,24 euro.

–Itxaron beharreko ordu bakoitzeko: 26,60 euro.

c) 3. tarifa: Iruñerriko Zerbitzu Bateratuaren B eremuan, lanegunetan, egunez (07:00etatik 22:00ak arte) aplikatzekoa den tarifa osatzen duten kontzeptuen balioak:

–Egindako kilometroko: hiriarteko tarifetarako onetsitakoarekin bat datorren aplikatu beharreko balioa, zerbitzua arautzen duen ordenantzaren 40.3 artikulua jasotzen duen bezala.

–Itxaron beharreko ordu bakoitzeko: hiriarteko tarifetarako onetsitakoarekin bat datorren aplikatu beharreko balioa, zerbitzua arautzen duen ordenantzaren 40.3 artikulua jasotzen duen bezala.

d) 4. tarifa: Iruñerriko Zerbitzu Bateratuaren B eremuan asteburuetan, jaiegunetan eta lanegunetako gauetan (22:00etatik 07:00ak arte) aplikatzekoa den tarifa osatzen duten kontzeptuen balioak:

–Egindako kilometroko: hiriarteko tarifetarako onetsitakoarekin bat datorren aplikatu beharreko balioa, zerbitzua arautzen duen ordenantzaren 40.3 artikulua jasotzen duen bezala.

–Itxaron beharreko ordu bakoitzeko: hiriarteko tarifetarako onetsitakoarekin bat datorren aplikatu beharreko balioa, zerbitzua arautzen duen ordenantzaren 40.3 artikulua jasotzen duen bezala.

e) Abiasaria. Honela aplikatuko da:

–Abiasaria, lanegunetan, egunez, 07:00etatik 22:00ak arte: 2,45 euro.

–Abiasaria, lanegunetako gauetan (22:00etatik 07:00ak arte) eta asteburuetan eta jaiegunetan (08:00etatik 24:00ak arte): 3,50 euro.

–Abiasaria, asteburuetan eta jaiegunetan 00:00etatik 08:00ak arte. Baita uztailaren 6tik 14ra bitarte ere, biak barne, eta abenduaren 25ean, urtarrilaren 1ean eta 6an (egun osoan), eta abenduaren 24ko eta 31ko eta urtarrilaren 5eko 18:00etatik aurrera: 4,80 euro.

f) Osagarriak:

–Aireportua: abiapuntua edo helmuga Noaingo aireportua duten zerbitzuak: 2,75 euro.

–Tren geltokia: abiapuntua edo helmuga Iruñeko tren geltokian duten zerbitzuak: 1,75 euro.

–Autobus geltokia: Iruñeko autobus geltoki barruan hasten edo amaitzen diren zerbitzuak, edo kanpoko taxi geltokian hasten edo amaitzen direnak (barruko geltokirako sarrera itxita dagoenean): 1,45 euro.

–Telefono bidezko hitzordua T1: telefono bidez edo antzeko beste sistema teknologiko baten bidez hitzartutako zerbitzuak, lanegunetan egunez (07:00etatik 22:00ak arte) hasten direnak: 1,70 euro.

–Telefono bidezko hitzordua T2: telefono bidez edo antzeko beste sistema teknologiko baten bidez hitzartutako zerbitzuak, asteburuetan, jaiegunetan eta lanegunetako gauetan (22:00etatik 07:00ak arte) hasten direnak: 2,25 euro.

2. Tarifa eta osagarri horietan sartuta dago balio erantsiaren gaineko zerga.

3. 2023ko egutegian jaiegun zer egun diren ezartzerakoan, Enpresa Politikaren, Nazioarteko proiektioaren eta Lanaren zuzendari nagusiak ekainaren 3an emandako 323/2022 Ebazpena hartu da aintzat, non ezarri baira Nafarroako Foru Komunitatearen esparruan ordaindu bai baina erreperatu behar ez diren 2023ko jaiegunen egutegi ofiziala. (2022ko 126. Nafarroako Aldizkari Ofiziala, ekainaren 27koa).

Egun horietaz gain, jaieguntzat hartzen dira Iruñeko Udalak finkatzen duen tokiko jaieguna, uztailaren 6tik 14ra doan sanferminetako aldia (bi egunak barne), eta abenduaren 24a eta 31 eta urtarrilaren 5a, 18:00etatik aurrera.

4. Espetxe eta aireportuko eskatu ahalako taxi zerbitzurako, bidaiaria eta pertsona bakoitzeko ezarritako prezioa 0,75 euro da, eta doakoa 5 urtetik beherakoentzat.

5. Tarifa horiek ibilgailuaren barrenean erakutsi beharko dira, erabiltzaileak aise ikusteko moduko toki batean, Taxiari buruzko uztailaren 6ko 9/2005 Foru Legearen 26.2 artikuluan xedatutakoa betetzeko.

6. Tarifa hauek 2023ko urtarrilaren 1ean hartuko dute indarra.

7. Ebazpen hau Kontsumo eta Arbitraje Zerbitzura igortzea, behar diren ondorioak izan ditzan.

8. Ebazpen hau Nafarroan dauden taxilarien elkarte profesionali eta kontsumitzaile eta erabiltzaileen elkarteei jakinaraztea, eta ohartaraztea ebazpenak ez duela administrazio bidea amaitzen, eta ebazpen honen kontra gora jotzeko errekurtoa jartzen ahal dutela, Garapen Ekonomiko eta Enpresarialeko kontseilariari zuzendua, hilabeteko epean, argitaratu eta biharamunetik aurrera.

9. Ebazpen hau Iruñerriko Mankomunitateari jakinaraztea, eta aditzera ematea haren kontra administrazioarekiko auzi-errekurtsoa jartzen ahal dela, eskumena duen ordena jurisdikzionalari zuzendua, argitaratu eta biharamunetik hasita bi hilabeteko epean, galarazi gabe Nafarroako Gobernuan aldez aurreko errekerimendua egin ahal izatea, Administrazioarekiko Auzien Jurisdikzioa arautzen duen uztailaren 13ko 29/1998 Legearen 44. artikuluan ezarritako moduan eta epean.

10. Ebazpen hau Nafarroako Aldizkari Ofizialean argitaratzea, orok jakin dezan.

Iruñean, 2022ko azaroaren 8an.–Turismo, Merkataritza eta Kontsumoko zuzendari nagusia, Maitena Ezkutari Artieda.

Iragarkiaren kodea: F2215146